



武  
187  
2



明武  
孫 587  
卷 2

救偏瑣言卷之四

放點症治準



放點其點。豫卜其為吉為凶。惟於神情症象而求之。脈理而參之。然非極美極惡者。未易鏡其將來也。放點則有形可察。有色可詳。順逆險三途。昭然而觀矣。蓋形成於氣色。根乎血氣。正則拘領其毒。毒有所拘。痘雖密。而得定其位。不糊襖。不細碎。顆粒分明。而脚必周淨。毒有所領。毒易達于外。痘雖密。頂綻突而囊蒼老。此氣得其正。而形其無間也。血正則榮載其毒。

毒有所載。痘雖密而能安其位。根有盤助。囊厚其藏。而饒涵泳。毒受其榮。痘不燥濇。形雖密。淡而不白。紅而不嬌。此血得其正。而色莫無咎也。反此則氣血反受毒制。可知。有表裡俱虛。而出不快者。有表裡俱實。而毒壅滯者。有氣血虛。餒皮薄。而色白者。有毒火熾盛。而色惡者。千形萬態。總由此出。詳別證治於後。

放點於熱三日後。身涼神爽。顆粒鬆朗。淡紅蒼老。其餘可知為順。不必服藥。

放點熱不一日。烈熱乾炮。帶火而出。不論稀密。色一紫艷。或嫩紅。其他可知。此集毒烈火。及早圖之。不致日後內潰。急以攻毒清火。帶清肌透發。不可以初見而翫忽也。

放點有身不見熱。神情困倦。偶因四旁。痘氣相感。而出見痘色淡皮薄。此腠裡不密。肌肉不固。不能約束而然也。不宜疏散。防日後有痒癩之患。以調中湯主之。

放點有先因吐瀉困倦。頭溫足冷。適感時行。出色。

淡囊薄而淹滯不起者。此氣虛不振。不能透發。宜以升發中。即兼治本。免日後有倒陷之患。

放點有熱如火熾。紫艷嫩紅。神情躁亂。累日不鬆。而不起者。急宜攻毒涼血清火。疏肌以透之。

放點有僅數粒。色不甚紅。亦有甚白。身體溫和。神情清爽。不諧者。目之為順。不知其囊窠累日不見粗壯。疔後不見光肥。浮沈其間。名為等伴疔。先見數點者。報疔也。四五日後。身必忽然大熱。神即昏憤。

大隊梟毒。一時湧出其疔稠密紫黯。大都不起。明者即與挑破。吮鬆其毒。以藥胭脂貼之。內服猪尾膏。通天散。清血疏透。來勢猖狂。法必蕩滌。庶可救。

放點有毒火雄烈。氣血不能約束。一齊湧出。火熱如焚。急宜攻毒涼血清火。

放點熱猶火灼。乾燥如烟。神情躁亂。不論稀稠。急宜攻毒涼血清肌散火。緩則毒即內攻無及矣。

放點痘色乾滯。紫紅。身宜壯熱。而反涼者。以毒火遏鬱于內。非真涼也。急宜散火疏肌活血透發。俟火透而後清涼。不宜遽與清火。

透而後清涼。不宜遽與清火。

透而後清涼。不宜遽與清火。

放點痘甚稀疎。却間蚤癩。或間紫黯。有若紫背浮萍。

或犯貫珠。雖簇。神情愁悶。及諸般痛楚之類。多因

惡毒盤據于內。表裡故不相符。不可因其稀而致

忽也。卽當攻其伏毒。以活血。

放點有唇烈掀腫。甚有焦黑如煤。或口中穢氣不堪。

或舌起芒刺。此毒火犯胃。急宜重以清火涼血解

毒。重必攻之。

放點皮毛刺痛。衣衾苦動。此毒壅于肺。急宜重以攻

毒。鬆肌透發。失治。至行藥時。膿根不起。必至爛

而斃。

放點筋抽脉惕。叫喊不已者。此伏毒在肝。宜疏肝毒。

重必宜攻。有咬牙者亦如之。

放點謔語狂煩。如見鬼祟。此毒火迷心。宜涼血清火。

兼之身熱如烙。或諸般痛楚者。尤宜攻毒。

放點骨節煩疼。更有腰如被杖。此毒在于腎。大都不

起。攻毒刻不容緩。

放點睫毛倒豎。目胞下有血絲如線。絆於其處。或腹

痛不已。身熱如火。肢冷如水。此毒伏于脾。急宜攻

毒兼清肌透發

放點小水有如醯魚汁。有鮮血如紅花膏。此毒火下

注小腸。急宜攻毒涼血。鼻衄成流者亦然。

放點大便欲解不解。或解時疾首蹙額。所解如漆如

膠。有若瘀血。有若羊糞者。此毒注大腸。急宜攻毒

因勢而利導之。

放點大便暴注如傾。有純鮮清水而躁亂者。此火擾

大腸。宜分理。涼大腸。五臟伏火伏毒。惟下利稍輕。

以大腸為傳送之地。雖壅滯艱塞。終得因勢利導。

放點顆粒稀疎。囊窠飽滿。而色有紫紅。有紫艷。有晦

色。此毒火在於血分也。宜鮮血分之毒。清血中之

火。

放點有疇附甚厚。而囊窠不鬆。或平或陷。此血至而

氣不至也。宜寬氣道。鬆肌疏透。兼他症凶暴者必

下之。

放點有郭殼圓滿。而盤助乾滯。此氣至而血不至也。

宜清榮活血。兼他症猖狂者必攻之。

放點有外感未愈。或風或寒。或風熱。或輕。或重。有累

東偏瑣言 卷四 五 惠理堂  
日不起有起而不快。此爲表實。審其何邪而疏解之。令毒有出路。

放點有飲食未消。中宮阻塞。口中變腐酸臭。腹內飽悶。痘出不快者。是爲裡實。急宜消化。令得宣暢。放點證治之大畧也。由此而推之。其餘可概矣。

### 稀有內症

痘欲其稀。稀則毒輕。不知稀而有內症。非真稀也。透於外。其毒則爲痘。藏於中。其毒則見症。或躁亂。或痛楚。或乾嘔。或昏迷。或失血。或叫喊。或洞瀉。或艱塞。或大渴不已。或脈惕筋抽。或咬牙弄舌。內症甚多。類此是也。無論氣血不足。即使有餘。亦爲毒所錮閉。而陷於無用。於囊裏不能鬆綻。痘色不能紅活。非血鬱而白。卽乾紅而滯。或紫艷。或深紅。或開癍點。唇黑如煤。頂黯如燂。非壯熱如炮。卽身涼而躁。痘卽可以數紀。亦何貴其稀也。儘有頂綻如珠。光明潤澤。一犯內症。便非真稀。明者燭其故。隨其症之所至。或宜疏。或宜達。或宜清火。或宜攻毒。或宜破癍。或宜透發。乘毒未張大。及早圖之。容可保全生命矣。

總 外稀尤貴內安和 內不安和稀用何  
訣 重必內攻輕內擾 蚤圖猶得幸無疴

附一忽視之戒

逢仲老先生先朝時有一公郎痘止八十三顆道  
中始事者以痘甚稀僅以輕緩之劑按日期規則  
以治之十六朝咸以爲功成矣延至廿六朝逢老  
意中未能釋然予適雉城歸邀予往視但見兩目  
徬徨如臨白刃乾嘔不止愁楚非常陰囊兩傍俱  
有一小毒如桃核大隱于肌肉之下色且黑黯此  
餘毒悶焉者也予辭弗藥是晚卽斃

又 治驗

一友徐君一愛未及半週而痘甚稀顏紅活宛然  
一順症惟身熱如火至漿後躁亂不寧霎時收斂  
而紅暈焮赤痂甚焦燥腰間與環跳處發出兩瘰  
如掌大板硬如石掀腫如拳其餘小疔不計其數  
痛楚甚慘以必勝湯日服二劑外以胭脂調入化  
毒丹貼之十朝至十六朝以一方治之疔漸起漸  
退二瘰潰而成膿後以忍冬解毒湯加地丁當歸



調治收功。

又

一范氏女三歲痘可以數紀而且綻突如珠紅潤可觀據痘似可弗藥究其烈熱如炮晝夜叫喊不已左目掀腫如桃以大黃生地荆芥甘菊赤芍黃連木通地丁青皮自三朝服及十四朝始得身涼身靜回好目亦無恙如是之痘不能枚舉聊紀一二以驗大畧云爾。

各有克肥

痘畏其密密則毒盛不知密得克肥其毒雖盛而氣血頗饒氣血雖饒而或暗害於毒亦何能透發于外而觀其克肥今克肥則氣血不為毒害可知克肥則氣血又得以制其毒而化毒又可知其毒雖盛何畏焉外有熱熾如火或絳紅或紫艷或煩躁痘雖克肥毒亦猛烈較之深藏隱伏者彼得發見于外耳又不

得概以克肥而目之也。

總

毒無壅滯痘克肥

痘得克肥正有餘

訣

更得淡紅滋潤色

縱然稠密莫躊躕

附治驗

雉城臧專老銓部明遠公之子也。幼時出痘于壬戌甚密而得克肥。公以稠密憂虞。余曰痘雖密。窠粒綻突。色不乾滯。慮不在此。所可虞者。近于紫艷。身體太熱耳。以清熱解毒湯。日進二劑。五朝大解。一次餘無別症。未思飲食。次日而漿即老。紅暈焮赤。大便又三日不解。恐其成火。禡症謂主翁曰。急宜潤其大便。使毒以利鬆爲妙。成一火。禡餘毒太重矣。前方重以生地滑石兩許。更加黃芩藥未及熟。而燥痒即發。舉家踴躍。急服之。更餘解。黑糞極臭極硬。即爽快熟睡。紅盤漸淡。漸收。飲食大進。以忍冬解毒湯調治而愈。

陷有毒滯

氣不能克。則頂陷。陷則虛無疑矣。然必皮薄色淡。方合虛局。若囊厚色蒼。氣之本體已具。未有氣虛而囊不薄。色不嫩者也。以氣爲壯火所蝕。壅遏不能上達。以故陷而不滿。不惟囊厚而且臃腫。不惟色老而且乾滯。尚有別症。可參。與虛陷自是迥別。每見時師不

審其由。一見頂陷便為氣虛。亦不識根脚之如何為  
 斂。如何為癩。如何為根鬆。如何為毒結。因其頂陷。連  
 脚亦混言之曰。此痘脚癩頂陷。并血亦牽在其中。則  
 曰氣血兩虛。必須大補。質質焉。竟以參芪保元固本。  
 以實投實。致誤者不可勝紀矣。悲夫。

總 痘瘡頂陷若茱萸 囊老乾紅豈是虛

訣 氣因毒滯無能峻 毒得鬆兮氣自尊

附治驗

竹溪沈公漸兄。四公郎二歲時痘。熱不二日。故票

于足脛。歪斜闊大如螺。緊貼皮肉。遍身細密無  
 空隙。次日蘊沙疊錢。間于通身。惡形不計其數。且  
 痘色與肉色一般。肌膚板實無粒不陷。叫哭不已。  
 脉惕筋抽。是毒滯血鬱之痘也。與逆之相去間不  
 一寸矣。以必勝湯減桃仁生地加當歸。日進二劑。  
 不見起發。乳不及半。大便去五六次。大棗蟲。日以  
 四枚。六朝稍起而未鬆。減蟬蛻為根。倍增大黃。大  
 便日去十餘次。至八朝漸鬆。漸紅。身漸熱。成粒者  
 起綻。成魄者鬆泛如毬。始成膿。乳食大進。未得安

睡時或叫哭咬牙。悉煇前方十四朝。堆結如殼。亦滋潤。以忍冬鮮毒湯。加當歸調治全愈。

又

驥村錢公劉兒。乃弟。東白先生之幼子也。痘及七朝。行漿期矣。通身頂陷紫滯。其環跳處。堆聚如燕窩。俱板實不鬆。眼與鼻若未痘者然。并其頭面俱板實。晝夜躁亂。殆無寧刻。時常乾嘔。筋脉抽惕。此毒伏于內。氣壅血滯故耳。始其事者。謝絕去矣。余以大黃四錢。紅花生地。蟬蛻半。地丁。荆芥。依參。青皮。黃連。外加白項地龍五條。服過三劑。大便日去三四次。痘稍有起勢。服及十劑。大便方去十五六次。所解皆是黑垢。如膠漆。臭惡無倫。通身頭面頓起脹。卽時眼封鼻塞。而漿其沛然矣。其環跳堆聚者。尚未鬆泛。仍以此方服。至次日十二朝。大解約去二十餘次。僅似清水。一老嫗驚惶。而問曰。如此頻解。可無害乎。予荅曰。痘今成膿。前躁亂。今安靜。皆便中來也。可許收坊乎。予曰。必得環跳穴處成漿結痂。飲食能進。便許無恙矣。至十四朝。醫上

漿行且飽滿。胃氣頓開。大便即止。不假一分滋補。不假一分止塞。飲食日增。方以和解毒之劑而收功。

綻有囊薄

氣尊於中則綻。綻則氣似足。然綻而不蒼。是空擡虛殼也。綻何取焉。氣虛不能衛護。邪殼隨毒而起。雖若圓滿而實飄薄。其色淡白。雖紅亦嫩。牀必溫涼。人必懶倦。無論氣虛不實。其血亦自不足。不得目其磊落而可喜也。其本質與嬌紅同體。薄似浮衣。症自迥別。乘氣血未至離散。及時早圖。未始不可以轉移也。不則必至痒癩而斃。

總 氣虛頂綻痘空囊 綻若囊空反不祥

訣 浮擡不實成何用 及早扶元免破傷

附治驗

雒城臧君陶兄。幼時出痘于庚申。甚稠密。甫及三朝。即起綻如珠。囊寡飄薄。疔附不厚。不甚安靜。身體微熱。四朝即用保元湯。加芩歸熟地。六朝漸漸肥紅。八朝囊漸蒼老。漿未及半。大便不實。而漿停。

重劑參芪加川芎鹿茸膏木香白芷藥得克足後  
調理收功。

薄有浮衣

疔瘡皮薄自是氣虛。蓋皮毛屬肺。肺主氣。痘之囊窠  
厚薄。頂綻頂陷。蒼老皺嫩。皆氣主之。未有皮薄而氣  
不虛者也。獨有浮衣。則不然。毒火猛烈。衝突皮膚。其  
苦皮隨其炮熾而起。如湯火沍燃之象。較之氣虛之  
薄。其薄更有甚焉者。孰知其不然。囊窠尚伏而未起。  
毒火一清。本體自透。漸成蒼老。然果何以辨其爲浮  
衣也。其道一以貫之。氣虛之薄。其體自涼。其盤自淡。  
其神必倦。口不膩渴。大小便如常。諸凡火象。自爾不  
犯。是爲真薄。若盤暈嫩赤。躁渴神煩。身熱如焚。或小  
便沁紅。大便閉結。或傾腸直注。不必一一反是。有一  
二千值的。確烈火無逃者。餘卽在似虛似寒間乎。其  
間正其熱劇隱伏之故。非雙關兩屬之症也。若以氣  
虛治。助其烈火。閉其毛竅。不得發洩。其外浮衣。勢必  
破碎如乾豆皮。內囊肉色燥赤如剝兔。并空隙之地  
亦散漫游紅。煩躁擾亂。而莫可救藥矣。似是而非可

不明辯也乎。

總 皮薄身涼屬氣虛 皮毛火逼起浮衣

訣 寒囊毒湧同於薄 一得清肌卽轉移

附治驗

後林潘中山兄幼時痘症屬此囊似天泡之薄紅  
暈嫩紫如霞徹夜無眠身熱如火渠尊公宗老在  
江右任所內與乳母深以皮薄爲不足徬徨無主  
予力辨其故而始信卽用黃連犀角大劑生地佐  
以荆芥丹皮蟬蛻牛旁臨服調牛黃一分自第二  
朝服至六朝漸漸蒼老散漫遊紅亦漸歸附根盤  
圓淨頂白根紅仍以前方服至九朝膿漿滿足前  
方加金銀花玄參始終以涼血清火解毒收功而  
愈脫痂之後尚多餘火一路清解霍然

文

予一鄉親年十七勇力過人忽一日身熱昏迷週  
時卽痘一齊湧出稠密無空地形與色宛似水珠  
但根窠結卓呼吸之氣甚雄薄之非因虛也明矣  
平昔勇力無論矣其所以然者氣與血均爲毒閉

兩不至之故也。以荊芥葛根赤芍紅花木通地丁紫草重以青皮外以山查二兩煎湯代水日服三劑次日頓然蒼老第四日即頂白根紅復用前方。七朝漿足飽滿其體原厚緣為毒過種種故爾。一開其牖正氣勃然莫禦矣。兩痘浮衣則同一為火。一為毒湧血鬱故昏迷色白。一涼血清火。一鬆毒活血各究其致。遊紅者歛色白者紅。囊窠均厚矣。

平扁與不鬆辨

何為不鬆板實而不暢滿也。何為平扁餒乏而不克拓也。其形若似其致不同。一屬於虛。一屬於實。然實亦有不同。一有可生。一有必斃。囊窠板實氣為毒滯以故不能暢滿。若血猶歸附受困惟在于氣。一治其毒。毒殺其勢。氣得以伸其轉運血因以佐其流通。氣運血隨而痘自鬆。其可生者此耳。令氣血俱為遏礙者。囊固不鬆。根亦無暈。所謂疔色與肉色一般。此氣血俱不至之痘也。無可救藥。如身涼人靜。囊軟色淡。絕無乾燥壅滯之象。是謂平扁由氣虛而不能暖頂。



也。早宜保元湯。倍用苦芩而振氣。內力得旺。而氣尊於中矣。虛實補瀉之別。不可以不明辨也。

總 毒滯囊窠。明不鬆。氣虛平扁。莫能克。諛 不鬆形色。無紫嫩。平扁何曾有板。臃。

附平扁治驗

烏程陳大尹。乙巳歲。一公孫。痘稠密乾紅。始任事者。有三人焉。先以升發。後以涼解。五朝頂平囊扁。七朝眼有開意。鼻尚有息。三人辭陳侯而去。延先君以決生死。先君驗其頭溫足冷。非熱毒可知。而

身安體靜。毒已盡。行于肌表。又可知。曰此氣血虛餒。非毒滯不鬆之謂也。陳侯意中以為必斃。問先君曰。先生可挽回一萬一乎。先君荅曰。痘瘡放點。以至落痂。一以氣血終始其功。氣血克達。則得以領毒而起脹。氣血鼓盪。則得以化毒而成漿。氣血還源。則得以解毒而落靨。今痘不起脹。猶之更籌一般。籌得依刻而起。非籌自起也。必需漏水下壺。更籌得起。論及於此。陳侯大悅。先君以參五錢。芪八錢。鹿茸膏半盞。佐以芎歸淮熟地。少加肉桂。連

接二劑。而痘卽起。脹如珠。再二劑。而漿卽克滿。後以參歸化毒湯收功。而愈。是症不概見矣。

不鬆治驗

孝廉王遇老。一小公。卽甫三歲。痘在五朝。通身稠密。全不起。脹人不狂。熱亦不甚。有似餒而不克。余按其皮肉。則板硬。六日內如脂。而多乾嘔。則知其毒壅于內外。故不能起。非氣虛不振之論也。以大黃爲君。佐以疏表。活血之劑。至臨服時。復持疑而問曰。毒滯攻之固甘。六宜矣。萬一精神亦從而蕩焉。奈何。余曰。妄投則然。對症不惟不損。止以護精神之地也。二劑服後。便有起勢。乾嘔減半。而身反熱矣。是毒透達之象也。前方加黃連生地。服至十二朝後。以忍冬解毒湯而愈。

又

春元馮孝老。一小愛。三歲。痘甚密。八朝絕不起。脹頂陷。色滯。筋抽。脈慢。日夜不寧。頻頻乾嘔。大便日去二三次。宛似一內虛平扁之症。始事者謝絕去矣。舉家哀號待斃。余視之。頃雖陷而板實。色雖不

榮而紫黯。未有內虛而形板實者也。而况紫黯其色乎。至于種種見症。皆毒火發洩無門之象。余以大黃青皮山查達其裡。荆芥牛旁衆蟲疏其毒。紅花桃仁赤芍猪尾膏以導其瘀。黃連石膏生地。清火涼血。二劑稍有轉機。又二劑更用化毒丹調入牛黃珠末。以化毒清火。大便日去十餘次。多而且暢。穢垢般般。頂卽起。盤卽潤。漿亦迅速。餘症未能跳脫。首尾一方。至二十朝而始霍然收功。

氣拘與毒絆辨

上文平扁與不鬆。指痘之窠囊而言。此拘與絆。指痘之根脚而言也。根主盤。平而屬血。血隨氣以爲通塞。氣得其令。則毒受制於氣。氣能以蓄血定位。拘歛其根。不使旁溢。盤暈能圓。壯而紅潤。是氣交則圓。必周淨之謂也。是爲氣拘。若氣失其令。受制于毒。氣爲毒錮。窠囊固不得鬆。而盤亦緊。寒如箍。按之結硬。則根無盤暈矣。是痘神情大都躁亂。而體則不熱者。此屬不治。所謂陽毒易治。陰毒難理。是痘無治驗。

總 毒絆根窠似氣拘 氣拘盤蓄痘克肥

訣 絳其緊束根堅硬 并亦無盤淚必揮

嬌紅非血熱熱

紅者血之體也。血因火動而呈其色也。痘不遇火。雖紅必淡。紅則為火迫矣。故古人有言曰。紅屬血熱。良有以也。蓋指紅深者而言。非所云嬌也。嬌則氣固不足。連血亦虛。無幾之血。為無根之火。遊行於皮膚間。故雖紅而實嬌。口必不膩。熱必不壯。囊窠不能厚。日後必至敗于痒癩。其痘最惡。所以謂紅而嫩。不若白而老。嫩者嬌之謂也。

總 痘令深紅是火炎 水紅榴子又虛看

訣 血虛氣弱嬌何嫩 皮薄漿清痒必纏

附治驗

戊午一沈氏子。痘密而紅色嫩而薄。身不甚熱。察其神情內症。絕無隱伏深藏之毒。先以疏透。四朝而囊窠悉起。卽以參芪芩歸淮熟地甘草山查日進二劑。七朝漸蒼。次日漿行。十朝漿頗膩而不能老。寢食亦安。減血藥。加白朮山藥茯苓金銀花調治收功。自甲子以來。是症百無其一矣。

血鬱非氣虛辨

白屬氣虛。自古言之。何以既白矣。而云非虛也。蓋血著于外則紅。鬱于內則白。血受毒鬱。則血不能灌輸于痘。而潛伏于內。所謂血不至之痘也。然其空隙之地。必有硃砂癩點雜于其中。即未必其然。或有數點紫滯乾紅。而露其朕兆者。即痘無可憑。或神情躁亂。唇口焦裂。渴膩如脂。或衄血溺血。舌弄如蛇之類。色雖隱伏。端倪自見。若以氣虛治。投於丁香姜桂之屬。不候壞而縮體焦紫矣。

總

毒壅血鬱不流通

血鬱難呈載毒功

訣

白即似虛機自露

細心參合掩何從

附治驗

孝廉王合叔。三歲一愛。痘方見點。即便咬牙。周身痘色俱白。宛似氣虛。探其口膩如脂。背上有三四點紫黯乾紅者。微露其端。則知其鬪牙者。肝腎之毒火也。色白者。血為毒鬱而然也。以活血散火疏肌透發之劑。疹色漸紅。但紅而不潤。顆粒不鬆。頻頻乾嘔。夜不成寐。三朝用黃連生地丹皮牛旁荊

芥木通紅花青皮蟬蛻山查臨服和猪尾膏半盞  
日進二服色頓變紅而未活唇口漸黑如煤前方  
倍用黃連生地加滑石地丁外以牛黃七厘并猪  
尾膏服至七朝色方紅潤頭面放白乾嘔減半大  
便日去四五次十朝漿亦堪回唇殼已脫照前方  
至十二朝唇復焦黑痂老而燥仍復咬牙大便日  
解十餘次絕不思食前方大劑生地加石膏日進  
二服牛黃每服一分珠末二分猪尾膏亦如前至  
十五朝鉄嘴復退終不思食大便約去三十餘度  
痂落八九四肢強直仰臥如尸十六朝唇口又黑  
咬牙比前更甚大便無度俱如膠漆或如藥汁點  
乳不進以蓮肉紅棗扁豆煮濃汁灌入其口嚙下  
而此汁卽出如漏乳母以寒藥太過脾氣損傷如  
此皆有怨言主人明理謂此藥不投何能起發以  
至落痂第痂已落何復如此叩余之故予曰痘貴  
乎終以餘毒脫卸之難也若餘毒內攻事已去矣  
餘毒得透可無虞矣其餘毒必結于大腸而故暴  
利如傾又結于肝而故咬牙不已不則何以唇口

猶如乾漆。三退而三結也。必得內毒成熟。有膿血  
便出。方可保全。然得精神有三四日可支。內毒一  
二日可熟。便妙。是日十八朝矣。以牛黃七分。珠末  
一錢四分。爲兩服。蜜汁調下。傍晚解紫血甚多。逾  
時夾膿夾血。倍于初次。卽睡去。至夜便尋乳食。咬  
牙頓止。唇口鬆退。神卽蘇爽。至天明解一硬黑糞  
如石。大便五日不解。乳食大進。收功而愈。

救偏瑣言卷之五

起脹證治準

痘之根透則爲起。囊綻則爲脹。起居先而脹繼之者  
也。痘初放點。其粒如菽。遞及五朝前後。表裏得以  
無邪。痘瘡不至偏陷。綻步而出。根透囊綻。菽而至  
於如荳。是謂起脹。毒其盡行於肌表矣。以毒達於  
外。痘故得以起脹也。其象眼封鼻塞。氣尊血附。頂  
白根紅。白而且肥。紅而能淡。光壯如珠。身體溫和。  
神清氣爽。飲食二便如常。是起脹之順者也。不須

救偏理言

卷五

惠廷堂

服藥。

起脹時若表邪未盡。致毒不能盡行肌表。向來痰唾  
稠粘。或鼻流清涕。或面赤多淚。或面青聲重。或翕  
翕發熱。或淅淅惡寒。或毫竅直豎。至此猶未霍然。  
痘必未能起脹。仍必疏肌達表。而兼升發。古人言  
一見紅點。便忌升麻乾葛。不可拘也。

起脹時若有宿食未消。致毒阻塞于內。向來胸膈不  
寬。按之眉愁。口中噤腐酸臭。轉矢氣極臭。至此猶  
未跳脫。痘必應至不至。仍以寬中化食而兼升發。  
古人言治雜症一寸。痘子落後一丈。不可訓也。

起脹時表裏無邪。雖無阻礙。氣虛血弱。痘雖起脹而  
少光壯。淡白而不蒼老。眼不甚封。鼻不甚塞。脚雖  
不塌頂不能綻。體靜溫潤和者。稍稍解毒中。即當漸  
補氣血。溫中保脾。如保元湯。加芎藭木香姜蠶白  
芷山查。量用解毒一二味。以豫防漿後泄瀉倒陷  
之患。

起脹時有氣血虛劇。不惟溫而且冷。不但靜而且倦。  
不惟白而更嫩。不但不老而且皺薄。頂陷而兼脚



癩重語聲輕。眼不能封。鼻不能塞。淹淹不振。而不  
 起脹者。即當大劑保元湯。加芎歸鹿茸。以峻補氣  
 血。或丁香桂附以振作元陽。參芪太重。必須濟以  
 山查。以此味能行參芪之滯。不減參芪之力。此用  
 藥相濟之法。不可不知。桂附量視緩急。參芪鹿茸。  
 遲則殆無及矣。此偏於不及者。大畧治法也。

起脹時。至若毒火猛烈。豈有伏火伏毒。鬱于皮毛。痛  
 如膚剝。衣余難動。期雖起脹。竟累日壅遏者。有毒  
 參陽位。而甘燉腫。而忘不腫者。有毒滯于頂。根起

而囊不鬆者。有一身之內。通塞不均。衝突處則重  
 頂。甚則湧泡。遏鬱處。或平或陷。甚至連顆囊亦板  
 實者。亦有窠粒。周圍貼抱。一圈狀如珠殼者。有毒  
 癰皮肉。痘雖粗大。板而不平者。此等泉毒。在于氣分。  
 不拘痘色紅與白。紫與黯。必用蕩滌之劑。佐以青  
 皮赤芍。荆芥牛旁木。通蟬蛻。用山查兩許煎湯代  
 水以治之。重以棗蟲透發。庶氣不為毒鋼。氣得以  
 暢達。而痘起脹矣。古人言氣不可虧。不可法也。  
 起脹時。有諸痘未漿。并有未及放白。數點先已黃熟

者。有半爲熱毒燔灼。半爲伏毒鋼閉。一則鋪紅肆溢。一則痘若水珠者。有通身或紫黯。或紫艷或焮紅。或礬紅或吻色。或間硃砂癍點。或紫背浮萍。或失血空窳者。此等熱毒。在于血分。不拘痘之日期。亦必以蕩滌爲主。佐以桃仁赤芍紫草。地丁丹皮。荆芥木通。猪尾膏。地龍。以散其凝結之毒。庶血不爲毒瘀。得以通達。而痘自起脹矣。古人言補血之功難。須當養于平素之說。不可泥也。

假令毒火發見于外。熱如火熾。煩渴不已。口熱如爐。不拘在氣在血。均以石膏芩連犀角。或四聖散。金汁等類。以制其陽光烈火。庶氣血兩不受炙。痘其得以起脹。而榮潤矣。古人言疹愛清涼。痘要溫。不得以此痘律也。

起脹時。有根起而囊少。脹起脹而或少克。克而色或少潤。潤而熱有未和。是毒火未得宣暢。概以疏透清解。固無事于蕩滌。亦不必過以寒涼。尤不宜妄用辛熱。亦不當便用溫補。但以連翹牛旁生地丹皮。紅花山查甘草。荆芥穗之類。稍以白芷姜蠶桑。

蟲占米以催漿拓頂火雖不熾清之則熱得以和平色得以滋潤行漿而漿得以洋溢毒雖不盛解之則囊得以鬆泛毒得以化漿至收結而不爲餘毒纏擾清解之法常規原以此期痘至五六日大都起脹起脹則毒在外而清之解之則毒無寒凝之慮痘方起脹則漿未及行而裏未虛漿未虛而清之解之則痘無內虛倒陷之患而孰知過與不及不可以常理論也歟

### 攻毒總訣

問痘如何有用攻伏毒伏火豈堪容毒火鬆透稠無害毒火深藏稀亦凶細究神情暨見症察形驗色皎如星上焦衝突如泉湧舌刺唇焦與炙同下迫小腸漫是血大腸逼迫苦難禁拂鬱皮毛痛似剝啼號不已產中宮胸堂壅遏躁如噴日夜無眠擾不寧痰一因之迷上竅氣雄煩悶叩無聲靜不靜兮躁不躁愁容可掬畏人親骨節煩疼腰似杖筋抽脉惕狀如驚徧體炎炎駭熱深更呀四體有如冰通身汗湧令人畏尤怪身焦首似蒸毒湧肌肉崩身板敵腫如

吹痘却平。擁突如桃名疣瘡。痘瘡未見毒先行。痘未  
脹時面預腫。額顛未起眼先封。赤眼胞下透紅絲。  
潤睛盼毛人未知。徧軀聯滯如蒙垢。口舌無皮穢氣  
噴兩頰。焮紅無點粒。發始牙爭舌不寧。報點歪斜黑  
陷硬。一齊湧出細如針。紫背浮萍癩似蚤。犯一稀稠  
總不論。貫珠攢簇又堪疑。蟹爪遊蠶瓢上沙。燕螭  
二窩并鳥跡。疊錢鼠跡及螺疥。雁行珠殼蛇皮類。履  
底環珠總象形。其在部位亦多名。覆釜蒙頭兩截  
分。鎖項纏腰雙鎖口。託腮攢背與攢胸。披肩囊腹  
關屬抱鬚蒙腮及鎖唇。鱗坐藥毬暨抱膝。隨地逢之  
莫覩輕。色有紫艷有深紅。紫滯乾紅又不同。紫類  
雞冠花是艷。深其無異絳。桃紅滯色猶如花。木筆乾  
如紙。色有礬紅。若比青蓮滯更惡。椒皮乾色惡無倫。  
有頂平平若烙炮。有頂如煤類火燒。有頂陷下根  
紅腫。有頂尖圓色紫焦。痘色頗佳多惡症。痘稀色白  
見稀標飛葉。迭見黃如蠟。發泡看來似葶桃。有白有  
紫有色黑。或粗或細毒成臬。那般痘色那般形。見  
症神情總毒伏。毒伏于內血受瘀。毒伏于內氣受緦。

毒輕木受氣血制。慘彼氣血亦歸毒。是瘕生成必內  
潰。除却蕩滌無生路。縱使不能一一蘇。舍此手中無  
一復。前人列于不治條。後人翻摸傍。矩矱亦有識者  
謂實病。懊歎嬰兒是天命。天假千慮之一得。殺身惡  
毒容稍滅。惡毒驅兮氣血暢。氣血融通痘自放。氣領  
血載功自全。頂白根紅自光壯。即使貫珠堆聚類。亦  
得鬆握無敢抗。氣煦血化漿自成。不藉參芪保元神。  
成痂落靨無侵蝕。胃自開強脾自實。此痘不拘兒厚  
薄。不拘未痘先病弱。不拘眼下便已瀉。不因眼下便  
閉結。不拘成漿宜保脾。不拘痘後須調理。尋常之去  
治尋常。不可將來抵惡酌。臬毒不驅是縱虎。驅之不  
盡防竊發。若使反以補爲良。可歎適以賈盜糧。有慮  
見虛且傍穩。坐視匍匐將入井。從來有病則病受。始  
終細細宜詳究。犯此尤當及早圖。更須絕頂方駐足。  
但憑漿後胃日強。夜臥日高猶未足。落痂體快與身  
涼。咲口歡容無稍楚。方是臬毒盡無餘。纔得修文偃  
却武。

申明鼻衄

痘瘡鼻衄。與雜症鼻衄不同。雜症不過迫于肺經浮遊之火。清之立解。縱有爲積熱所致。勢亦猖獗者有之。要無內潰之慘。痘乃先天毒火。不衄則已。衄則烈毒內亂。五臟沸騰。致血妄行空竅。點點皆毒血也。非等閒邪火可例。勢必蕩滌而佐以涼解。庶可治其虐燄。不則毒血內瘀。毒瘀于內。其有不潰者乎。內至于潰。其有得生者乎。若僅以犀角地黃之劑而希止之。是猶揚湯點沸。非鍋底抽薪之法也。是症甚多。以下此毒之驗。總難筆記。各附其一。以證其概。

附一治驗

余一孫女。四歲戊子暮春。一晚大熱如炮。躁亂不寧。不逾時而衄如注。血紫成條。有意亂心慌之象。是夜卽以涼血攻毒飲。減紅花紫草。加石膏佗參地丁。連投三劑。次日午刻見痘。不紅不紫。如晦色。椒皮窠囊不起。第二朝衄止。熱亦減半。叫喊不已。躁亂如初。暫減石膏。用大桑葚同豬尾膏蓋許。和于藥內。日服二大劑。服及七朝。漸起漸紅。大便日去七八次。九朝漿行。漸入佳境。藥餌遂懈。十朝晚

身復大熱。叫喊仍不絕口。滿面搔破。猶幸鮮血淋漓。急用胭脂調入化毒丹貼之。前方重以<sub>大黃</sub>五錢。生地石膏俱兩餘。三劑後。十三朝始定。收結而痂尚燥。寢食僅得其半。以忍冬解毒湯。減紅花。加<sub>大黃</sub>生地十六朝收功。

申明舌刺咽乾

舌胎如刺。咽乾如炙。傷寒雜症見之。亦陽盛陰虧之象。然扶陰抑陽。其厄可解。痘瘡若見。總以烈毒肆虐。非僅燔炙而已也。輕則乾燥。重則焦黑。亦必潰而後已。總係咽喉之毒。所以咽喉水陰並為逆症。舌刺如糜者不治。欲解其毒。非蕩滌不可。即使攻之。亦必早圖。乃克有濟。不當目之於泛常也。

附一治驗

徽州程季老。一公郎三歲。丙戌殘冬。一日大熱煩渴。口熱如爐。舌胎即芒刺而黑。則其咽乾可知。見點于肌肉之間。隱隱若麻。乾紅晦滯。彷彿乎逆。幸在初朝。以清涼攻毒飲。加蜜炙麻黃二分。以隆冬也。減犀角二劑。細碎者悉退。顆粒分明。又二劑。色

亦稍轉。四朝淚流如膽汁。唇漸堆結如煤。謂之鉄  
嘴。大便晝夜約去十餘次。一方服至六朝起脹。八  
朝行漿。胃氣未開。神情未快。十二朝鉄嘴鬆。寢  
食漸安。首尾一方收結。成癩。以忍冬解毒湯。至十  
六朝收功。

申明溺血

痘瘡失血。列于不治。總以烈毒內攻也。况出自小腸  
乎。故五淋惟血尤重。痘疹犯此可知。涼血清毒。固是  
症之首務。而無斬關之劑。以驅逐之。縱極清極涼。僅  
足以緩其流。難以澄其源也。

附一治驗

七里溫廣心兒。大公郎八歲。出痘于乙酉仲冬。值  
久瘡後。精神疲敝。飲食不思。痘卒溺血如膏。胸膈  
閉悶。唇黑如煤。舌胎如刺。兩頰不分界地。天庭明  
朗。身上稠密乾紅。腹更有紫背浮萍斑點。如是毒  
火。身反不熱。內鬱故也。以涼血攻毒。飲大黃爲君。  
加桃仁。每劑和大系蟲。日服二大劑。五朝未見轉  
機。前方倍大黃五錢。生地兩許。七朝兩頰鬆透。紅



活成類。身體大熱。餘痘亦俱紅潤。腹癰漸淡。前方  
減葛根。蟬蛻。紫草。紅花。桑蛙。加黃連。石膏。每服調  
牛黃化毒丹一錢。日進二服。十朝漿足。腹癰悉退。  
胃氣頓開。十二朝唇殼褪脫。舌竟紅活。頭面堆砂  
收結。身上氣足血收。寤寐俱安。前方減大黃。黃連。  
石膏。桃仁。加金銀花。貝母。攻伐之劑。止一劑不及。  
便不思食。神情仍復不快。痘即停止。予駭其故。豈  
攻之太過。而真元不繼耶。抑攻力未足。而毒火竊  
發也。猛省其故。失檢其弱。取視猶然。使內邪淨盡。  
小腸健。猶乃爾也。悉如前法。連進二劑。諸象速轉。  
捷於影響。服及十八朝。而湯始淡黃其色。以忍冬  
解毒湯始得收功。

申明大腸逼迫

大腸爲傳送之官。通利易結。實難。故大便之實與瀉。  
中氣之虛實因之。所以古人治痘。用木香異功散。以  
豫防其滑瀉。而孰知梟毒深藏之痘。不爲氣衝。不爲  
血載。表裏壅塞。發洩無門。因有傳送之際。可乘。毒其  
騰湧於此矣。腸旣毒湧。下注逼迫。自欲解而仍不得

解誠能因勢而利導之。俾毒得以宣揚。則氣血融通。而痘其發皇矣。

附一治驗

孺山鍾晉叔兄。七歲一公郎。甲戌出痘。未出點時。腰腹條爾疼痛。至欲解更甚。及解逼迫異常。急不能待。而卒不能解。因艱塞而努力。因努力而愈艱塞。不惟不得解。努力之極。氣反上湧。而而顏俱變。俄頃而惡象復然。此毒深藏于脾腎也。以必勝湯去生地。連接二劑。身體壯熱。見點稠密不鬆。乾紅色帶紅與皮肉。按之俱板。氣壅煩悶。身無安放。前方服及四朝。大便見毒垢。如漆如膠。紫黯其色。前方加黃連石膏生地服及七朝。頭面掀腫如毬。周身四體脹滿如吹。有知氣鼓目之可駭。所幸痘亦得脹。十二朝漿行。十四朝漿斂。悉以一方主之。大黃用及筋餘。大便日止十次。口內成疔。目睛起暈。身熱未和。以撥雲散。合忍冬解毒湯。調牛黃珍珠。服至十七朝。所進僅止稀糊。所存僅有皮骨。與參湯數匙。口即乾膩。嗣後弗藥。惟以牛黃珠末。日服

二分。佐以吹藥。疔與疔漸愈。飲食漸進。月餘後肌  
肉生長精神康復。次年患一悶痧。不及進藥而斃。  
惜哉。

申明拂鬱皮毛

疔未分布。而毒先湧發如癰者。名爲疔瘡塊。疔未及  
乎肌肉。而毒之鋒穎先射乎皮毛。謂之穎毒。稍一撻  
之。痛如膚剝者是也。此不早圖。任其肆虐。七八朝必  
至燥痒外剝而斃。毒之最惡者也。

附一治驗

復初黃憲副八公郎。癸酉孟春。一日身體燥熱。肉  
瞶筋惕。兩目昏沉。痘之象也。愁容萬狀。稍動其衣  
被。痛楚等于剥膚。是穎毒鬱于皮膚也。卽用必勝  
湯。減桃仁。加桔梗。用大黃四錢。連進二劑。痛不稍  
減。照前方大黃六錢。又二劑。透出一身紫滯乾紅。  
綿密無縫。痛始減半。大熱如火。前方加黃連石膏。  
藏葛根。服二劑。顆粒分明。六朝克肥。九朝漿勢沛  
然。因痘象可觀。藥卽懈弛。次日燥痒難禁。頭面搔  
破。血流滿面。猶幸急以藥胭脂貼之。悉如前方。外

以牛黃二分。珠末四分。勻分三服。調于藥內。日進  
三頭汁。次日復瀉。十二朝堆沙漸收。腐爛作臭。胃  
氣日開。神情日爽。十六朝收功。用大黃筋餘。牛黃  
二錢。

申明啼號不已

啼哭嬰兒之常態。至于不已。非煩熱所致。卽痛之使  
然而可慮矣。聲必急驟。面必愁容。與常態自是不同。  
卽使煩熱痛楚。其因別症。如蛔結食積。瘡瘍癰毒等  
類。亦無事于蕩滌者。惟痘瘡犯此。中藏伏毒而內擾。  
擾則攻。攻則潰。所以叫喊不已者不治。非不可收藥  
也。正不知有此治法耳。

附一治驗

余戊子一孫。壬辰初夏。一晚大熱如烙。叫喊不已。  
如蚓在灰。次早大小便去血。解後稍緩。俄頃復然。  
急以必勝湯。加石膏連投二劑。日晡卽見痘。窠粒  
不鬆。痘色紫黑。大解皆紫黑。成片成條。散者成流。  
叫喊愈甚。照前方重以。大黃生地石膏。晝夜三大  
劑。每劑和猪尾膏一大盞。并大桑蟲服。及七朝色

救倫理言 卷五 真建堂  
漸紅活。囊漸鬆透。終是叫喊不已。前方減乾葛蟬  
蛻。九朝放白。十一朝行漿。諸症減半。大便日去七  
八次。藥餌稍緩。仍復猖獗。更加燥痒。痘頂穿破。若  
圈。喊不絕口。悉如前日。進三大劑。廿朝得有霽色。  
十六朝叫喊復作。愁楚萬狀。使出紫黑血片如蠶  
皮。散瘀血有一糞杓。卽安睡。醒餘便思食。身熱始  
和。大便頓愈。溺猶血水。廿六朝夜半。驟然躁亂。舌  
起一疔。以牛黃分半。珠末三分。蜜湯調服。以忍冬  
解毒湯。加大黃錢許。用地丁煎湯。服及廿八朝。舌  
疔卽褪。月餘始得安痊。約用大黃三兩。石膏生地  
俱二觔半。

申明胸堂壅遏。日夜無眠。  
胸堂乃上焦心肺之地。最輕清而邪不易犯者。然六  
淫惟火上炎而易及。于于心。則以火濟火。而神自不  
寧。于於肺則金被火爍。而躁自不覺。况此火更出于  
毒。病不止于燔灼。輕則內擾。眉宇不舒。重則內攻如  
魚失水。日夜無眠。所必至矣。輕者導赤可解。重者必  
需攻逐。不則養虎貽患。是症施于未見。使痘可以成

賴施于已見細碎可以退去。凡猖獗之症。在三日後。內已受攻無及矣。

附一治驗

一凌姓之兒。僅週歲。身體壯熱。躁亂不寧。如蚓在灰。痘未見而兩目昏眊。是痘象。知其毒壅上焦之故也。卽以涼血攻毒飲。去生地紅花。加山查地丁。一劑而神卽安。日晡見痘如麻。再二劑而細碎者潛消。朗朗分珠。其祖父稱謝不已。照方用生地紅花并大桑蟲。日進二服。以一方服至十二朝。順叙收功。此僅躁亂一項。更得治于未痘。故朝頭無甚風波。

申明痰迷上竅昏悶無聲

心之氣。出于肺而爲聲。其竅若管籥焉。竅爲痰迷。痰因氣閉。氣因毒滯。毒氣瀰漫。痰迷心竅。蓋心爲神明之官。迷則神自不清。閉則聲自不出矣。詳其痘瘡皮肉壅腫。紫滯焮紅。壯熱氣粗者。方合是症。

附一治驗

孺山鍾去疑兄。年及二旬餘。一日府試歸。見痘。昏

沉不語。有疑其爲虛者。有云其爲勞者。五日矣。窠  
粒不鬆。盤暈燼赤。兩頰通紅。不分界地。且氣粗壯  
熱之極。此熱毒上湧。清氣阻塞。心竅爲痰所迷。虛  
勞何與焉。以涼血攻毒飲。減紅花蟬蛻。加貝母地  
丁。日投二劑。七朝界地漸分。痘漸鬆泛。神情猶然  
昏憤。前方減葛根。加石膏黃連。八朝始省人事。方  
知已之出痘。九朝而漿沛然。十二朝收結。遂弗藥  
而愈。俱以一方終始其功。

申明靜躁無定。愁容可掬。

凡靜則病退。躁則病進。至于似乎靜而卒不容安。似  
乎躁而若爲所禁。滿面愁容。凡所遇而憎惡焉。較之  
狂躁者更重。甚至有天柱傾倒。刻不能支者矣。痘瘡  
犯此。無論熱如炮烙。紫艷深紅。見其熱毒內擾。卽身  
體溫和。痘色黯滯者。尤見其熱毒固閉。而故身無安  
放也。與氣虛困倦。自是霄壤。

附一治驗

一賀氏子四歲。出痘于仲春。滿目愁容。天柱不舉。  
神情躁而若倦。身不甚熱。痘點隱躍于皮膚。按之

板實。板則非不振矣。且多遊蠶。不拘其數。其色乾滯。而多白點。點則非真白矣。且有椒色。間乎其中。溺血如膏。口穢若腐。則此天柱不舉。愁容厭倦。全是毒火內擾。而故情緒難支。以必勝湯。減桃仁紅花。稍加蜜炙麻黃一二分。和桑蟲一大枚。日長二劑。服及四朝。身漸熱。色漸紅。稟粒亦漸起。時常乾嘔。哈舌。前方加黃連。四劑。毒火湧發。驟熱如焚。盤若塗硃。天柱頓起。外加石膏。減乾葛麻黃。自七朝以至十朝。放白成漿。大便日去五六次。皆毒垢。愁容不轉。壯熱未和。飲食不進。十四朝。唯結發。飲食得進。諸症平康。惟溺血未止。十八朝。仍復壯熱。泛疤。口內成疳。一方貫至。念朝外。始得全愈。

申明骨節煩疼腰如被杖

痘瘡包孕。在於腎臟。腰者腎之候也。骨亦屬腎。此地若痛。是於發動之地。便即肆虐。烏能歷日期。待朝數。而施功于次第也。縱有良法。苦不及施。猶之迅雷不及掩耳。所以腰如被杖者。爲不治。惟於痘未見點。萌芽甫動。得以卽挫其鋒。庶可挽回于萬一。若一見點。



本臟便壞。惟有待斃而已。若清溪章繼美之痘。是一  
驗也。

又附一症

同袍李季老一幼弟。卒然腰痛。以及兩脇兩肩骨  
節皆疼。愁楚不堪。次日卽報點于左腰。如豆大而  
色黯滯。又有數點。似痘非痘。隱躍于皮膚而多晦  
色。按之板實。以必勝湯四劑。後窠粒稍起。而終不  
鬆。晦色稍退。而未紅潤。續出者可以數紀。只是痛  
楚呻吟。晝夜不息。寢食俱廢。以一方服及八朝。畧  
鬆泛而得半漿。服過十二朝。痛楚方息。稍能寢食。  
將就收結而愈。是症幸痘稀疎。故得成功。而日易  
若一稠密。便如章繼美之歷盡艱難險阻矣。腎症  
之可畏也如是夫。

申明筋抽脉惕

筋抽脉惕者。狀若驚也。筋屬肝。毒在于肝。不得尋竅  
而出。筋脉受其衝激。以故抽惕如驚。而實非驚。有發  
于未痘之先。景象凶暴。見痘卽止。此痘發于心。世俗  
所謂驚痘者是也。然亦非驚。此則未發已發。不特抽

惕惟懷抱者知之。傍觀者不覺。此毒不驅。肝臟受攻。肝爲血海。血海擾害。難于載毒。紅暈不著。難以成漿。囊不克溢。首尾類多咬牙。終必潰而後已。是症輕者。疏達活血。稍與攻毒。重者。重與攻毒。佐於活血。疏達。若以驚視。誤人多矣。

附一治驗

嚴璞菴老先生一孫。歲未滿週。一日壯熱昏沉。筋脉抽惕。以清肌透毒湯。加木通青皮。一劑。次日卽見痘頭額如麻。身上隱躍。以必勝湯。減桃仁赤芍。生地。加當歸三劑。後細碎者漸退。隱躍者漸透。雖見顆粒。却密而不鬆。帶而不紅。胸背多遊蠶珠殼。抽惕如故。減葛根。加丹皮。每劑加大桑蟲一枚。日服三劑。至七日。頂白根紅。惟遊蠶珠殼未鬆。服及十朝。通身脹滿。漿勢沛然。獨抽惕未已。壯熱未和。而多愁楚。大便自見。點晝夜十餘次。皆毒垢。幸乳食如常。一方貫至十六朝。諸症平康。戲之方笑。以忍冬解毒湯。念朝外發出紅痧如霞。調理收功。

申明偏體炎炎

痘瘡非熱不發。非熱不脹。非熱不成漿。非熱不結痂。是元陽制化其毒。終始其功。故首尾不可無熱。然熱宜和。體宜潤。乃若如火炎炎。編羅乾灼。肆虐滅膚。蝕真氣。燦真陰。是痘瘡焦紫之媒。不論已出未出。按之若此者。便是窮兇極惡之症。不可以泛常之熱而忽之也。

附一治驗

臧比玉兄。一大公郎。四歲。一日編羅燔灼。而頰通紅。氣壅昏憤。以必勝湯。減桃仁紅花。加石膏三劑。後見痘如麻。又二劑。細碎者悉退。顆粒分明。但鋪紅若錦。熱不稍減。神思復然。重以<sub>大黃</sub>五錢。生地石膏各一兩。日投二劑。至五朝。減蟬蛻。加犀角。八朝漿足。大便日去四五次。神思始清。十二朝稍思飲食。有收結意。盤暈猶然。燦赤。十四朝。仍復泛疤。轉側愁楚。口内生疳。一方服至十八朝。諸症霍然。方以忍冬解毒湯收功。

申明四肢獨冷。畏火。兼而手足。四肢屬脾。惟宜和暖。不宜熱。尤不宜冷。冷而皮薄。

色淡身涼。而手足更冷者。此脾臟虛寒。元陽幾脫之象。冷而乾。紅色滯。通身火熱。而手足獨冷者。此裂毒壅遏于脾。邪陽莫透。火鬱則寒之象。冷之極。正熱之極也。較之炮熾者。而更重矣。在他症則發之。而火自散。此係裂毒深藏。非攻不透。失治而脾必潰爛矣。

附云治驗

驥村嚴青字。七歲一愛。壯熱如火。四肢冰冷。下部直過環跳。躁亂如失水之魚。無瞬息寧靜。兩頰一。亮通紅。不見點粒。胸背乾紅晦滯。皮壅肉板。主人以為必斃。置之若棄矣。然痘在初見。毒無定位。以必勝湯。大黃五錢。連投二劑。四肢稍溫。即加黃連石膏。每劑和大桑蟲一枚。又四劑。伏火通透。兩頰紅中泛點。四體頓熱。一方貫至九朝。徧體克肥。粲然可觀。主人喟然嘆曰。前者兒女輩。斃于痘者十數人。凶象皆未及此。是痘得痊。往者不堪回想矣。必竟首尾一以攻毒涼血鬆肌。十二朝漿黃如蠟。漸收漸結。十八朝。諸症霍然。痂落收功。嗣後口復生疳。兩目腫赤多淚。以撥雲散。去木賊。加牛蒡法。

參天花全愈。約用大黃二十餘兩。石膏生地各二  
觔。大桑蠶四十餘枚。

申明通身汗湧

陽虛則自汗。汗多則亡陽。而有虛脫之患。孰知痘瘡  
有陽極而汗湧洩者也。人身水火不容偏勝。水勝則  
火熄。火勝則水沸。烈火燔灼。五液沸騰。液有出于毛  
竅者爲汗。此五液之一也。火擾于內。而汗自洩。是汗  
之爲火逼可知。有汗出如淋者。火之極也。其症通身  
焮赤。燔熱。氣粗躁亂。是其驗也。火盛卽毒盛。故氣虛  
而毒盛者有之。未有血熱而毒輕者也。火毒相併。血  
遇必瘀。血至于瘀。而內有不潰者乎。其攻自不容緩。

附一治驗

乙未。吾郡張太尊一公子。歲未滿週。一日身熱如  
火。汗如雨下。左眉稜掀腫如桃。愁楚不寧。而有痘  
象。乘痘未見。毒無定位。時卽以必勝湯。減桃仁紅  
花。葛根。地龍。加石膏。丹皮。羌活。連投兩小劑。外以  
牛黃半分。珠末一分。調入化毒丹三匙。密湯調送。  
分爲兩服。次日見痘。頭額細碎如針頭。悉如前服。

又次日細碎者俱退去矣。而汗亦收。顆粒分明。第  
膚赤如霞。熱仍火熾。愁楚復然。惟喜乳食能進。一  
方服及六朝。頂白根紅。滅蟬蛻。八朝漿足飽滿。熱  
勢不減。眉宇未開。九朝迅速收痲。耳聾便起一毒  
如雞卵。照原方用桃仁紅花。十二朝出膿。背上腰  
胯隨起四毒。通如前劑。并化毒丹。至十六朝亦俱  
成膿平復。相繼又起大大小小十數餘癰。更多惡  
色。青紫如傷。目之可畏。以金銀花赤芍地丁貝母  
羌活牛旁當歸佐參甘菊甘草。仍合化毒丹。服至  
廿四朝而始收功。是痘熱法。名爲火裏苗。毒先于  
痘。名疙瘡塊。令不早圖。痘其焦紫內潰矣。

申明頭汗如蒸

頭汗如蒸者。通身焦燥如炙。惟頭面汗若籠蒸也。緣  
烈毒湧于肌表。壅塞氣道。而致表實。然五液却沸于  
內。滲洩無門。以故身燥如炙。火性炎上。兼之不容旁  
達。燄尤上竄。汗之所以湧若蒸也。頭爲諸陽之首。  
輕清最上之位。邪陽不易犯者。又一身之樞紐。痘瘡  
吉凶之準。邪陽更不宜犯者。而汗若此。五內可知。前

人所以謂毒參陽位者死。是汗居其一也。尚有并頭面而不得洩者。面反青黯。兩目徬徨。悶亂喘急。此又立刻待斃者矣。

附一治驗

白菴陳老先生。三歲一愛。一日驟熱如爐。燥炙如烟。惟頭額汗如雨下。至晚卽見點于太陽。兩頰如榴皮。紅而黯滯。連成一片。不見點粒。通身稠密乾紅。口渴煩躁。徹夜無眠。第幸在初朝。毒火雖熾。尚可撲滅。以大黃生地黃連紫草地丁。佐以木通荆芥丹皮牛旁山查青皮赤芍。日服三頭汁。次日汗收而熱減半。前方減黃連。加蟬蛻并大桑蟲。服及四朝。兩頰紅中泛痘。色漸光澤。神情未舒。胃氣閉塞。前方每劑調牛黃半分。日投二劑。七朝頂白根紅。神情半爽。身復壯熱。仍用黃連。減蟬蛻桑蟲。守此一方。成漿結靨。至十六朝。邪毒退聽。正氣康復。癍痕尚燥。幾及一月復發。血瘋瘡。以忍冬解毒湯。加生地黃連赤芍。減紅花。又一月而全愈。

申明毒湧掀腫

痘有毒盛鬆透于外者。肉地卽腫。必因痘腫而腫。囊必綻突。色必紅潤。若郭廓則平。痘色則滯。肌肉掀腫如吹。按之板實。此一身領毒之氣。悉爲毒綱。一任梟毒衝突于身。所謂難療肉腫痘不腫者是也。此毒不驅。七日必至內攻而斃。

附一治驗

復菴慎老先生。一長公。字其章者。九歲時痘。烈熱如焚。紫滯乾紅。窠囊平板。無一隙地。通身掀腫如吹。四脉強直如鑄。仰臥而不能轉側。猶如捆綁。痛楚非常。叫喊不已。此梟毒烈火表裏俱在。以大黃八錢。石膏兩餘。生地兩半。黃連三錢。佐以清喉鬆肌透表活血。更以猪尾膏。調入盞餘。日投二劑。六朝勢不稍緩。時值炎天。畏熱如爐。以藤蓆鋪地。以安之。猶云背下如火。外取三七草搗自然汁。用鵝翎以拭之。仍以前方服過。八朝景色如故。計無所施。將澹雞矢醬色而有尖頭者。和六一散爲細丸。又用六一散和冰片二釐。研勻爲衣。燈心湯送服。逾時身振體戰。臭汗如漿。霎時湧出大黑螺疔於



肩背四肢十五六處。烈熱頓和。痘卽肥紅光澤。方得屈伸轉側。終是愁楚未開。水米不粘。尚屬可畏。其疔卽以銀針挑破。用懸脂膏貼之。仍以原方首尾一轍。而得成漿收結。痂落收功。二十朝外。口復生瘡。尻骨又生癰毒。一僧治之而愈。

申明疙搭塊

痘瘡輕淺者。萌芽發動。氣領血載。從容散布。不但顆粒分明。界地亦不連其色。若重而急者。朕兆一萌。毒鋒如射。或上竄。或旁湧。任其毒之所至。擁突如桃。形如癰毒。是謂疙搭塊。痘未及口。毒先湧發。驗其身熱如炮。神情躁亂。哈舌不已。叫喚不止。更合之兩目昏耗。肉潤筋惕。是其症也。若以尋常癰毒視之。則誤矣。

附一治驗

朱嘉直兒。八郎。一日熾熱煩躁。愁容萬狀。腦後先起兩毒如桃。不知其爲痘之疙搭塊也。嗣卽見痘稠密。乾紅。僅不細碎。然窠粒不鬆。以必勝湯。加位參。自二朝服至七朝。大便秘。日去四五次。色漸肥紅。囊漸鬆泛。神情頗安。大有行漿之勢。第壯熱未

肩背四肢十五六處。烈熱頓和。痘即肥紅光澤。方  
得屈伸轉側。終是悠遠未開。水米不沾。尚屬可畏。

其疔  
尾一  
生疔

痘疹輕  
粒分明

鋒如射

如癩毒

如炮神

耗肉潤

附

朱嘉

先起

痘稠

位參自二朝服至七朝。大便日去四五次。色漸肥  
紅。囊漸鬆泛。神情頗安。大有行漿之勢。第壯熱未

效編真言

卷五 申朝皮毒

東

卷五

三

惠延堂

方首  
口復

但顆  
萌毒

桃形

其身熱  
兩目昏  
則誤矣

狀腦後  
嗣即見  
勝湯加

附一治驗

一友許君。幼時見痘。細如針砂。頭面掀腫。未及兩朝而眼即矇閉。熱如炮熾。愁楚之聲不絕。以必勝湯加黃連石膏。連接三劑。即大解七八次。而細碎者悉行退去。兩日仍開。熱亦減半。痘雖成顆。尚頂陷不鬆。乾紅未潤。前方減黃連石膏。服及七朝。囊鬆色潤。眼封鼻塞。八朝有放自行漿之勢。未得沛然。人便約去二十餘度。始如膠漆。繼若清水。以專

神效。益神。神壯。神重。神。變。灰白矣。尚嫌。發。胃。尿。淋。開。

未暢。故下利清水。暢。則。矢必黃結矣。仍以前方服及十朝。漿足。胃氣漸。開。十二朝。神情開爽。大便頓實。收。而愈。後左小。成。發。一。餘。毒。以。忍。冬。解。毒。湯。收。功。

申明紅絲遠目倒豎睫毛

紅絲遠目者。有血絲遠于睫毛之下也。睫毛倒豎者。眼睫毛根。如針簇也。此伏毒衝擊于脾之使然。各臟凡有伏毒。即是惡症。至於脾最惡矣。僅在兩腎之上。却居心脾部之下。毒愈下。而透愈難。脾受衝擊。

所屬之地自失其氣。所以睛毛倒豎。血絲遠目。疔也。輕之腹痛唇腫等症。殆有甚焉者矣。是屬毒參陽位之一症也。

附一治驗

若溪高翊老。一公郎。痘頗勻朗。明潤粗壯。道中丁友。目之爲。接以平和升發之劑。主人以夜不成寐。身體壯熱爲慮。不知更有血絲遠于目胞之下。睛毛倒豎如鏡。可慮更甚。若壯熱不寐。又其次矣。喜僅在三朝之內。猶可攻逐。用火黃三錢。佐以赤芍。紅花地龍。大桑蛭。餘不免鬆肌透發之類。服至五朝。血絲漸淡。而眼合。壯熱稍和。十朝漿足肥濃。攻發似乎可已。第兩太陽未脹。毒根猶未盡徹。神情未爽。恐虧一篑。大黃與桑蛭。服過十三朝。方得如意而回。

申明痘如蒙垢口穢噴人

痘如蒙垢。色近于灰。灰而囊薄。色白者。此氣血不足。虛之極也。灰而黧滯。囊老板實。此氣血爲邪毒壅滯。不能煥發其華。色愈黧者。其毒愈深。若兼之于口中。

穢氣令人難近。此毒固盛而烈火尤內燄者也。不可據其似而失其真也。

附一治驗

一宋姓者。三歲一子。痘顏磊落綻突。而根無盤暈。其色則晦滯灰黯。宛若為塵垢所蒙。體不甚熱。口中穢氣滿幄。躁亂不寧。此係熱毒遏鬱于內。故見症乃爾。身體則不熱也。是病在血。而不在氣。以大黃紅花紫草赤芍丹皮地丁荆芥山查牛旁。自三朝服至六朝。色漸紅活。亦漸安。八朝頓熱如火。穢氣減半。頂白根紅。減紫草紅花赤芍。加生地黃連。

九朝漿成迅速。寢食漸復。以忍冬解毒湯調治收功。

申明發始咬牙

關牙有血虛。有熱毒。大都漿後者屬血虛。漿前者屬熱毒。然漿後而猶因熱毒者有之。未有發始而血虛者也。往往有痘方二三日而便關牙者。有見點而即犯此者。更有痘未及見。一發熱而相戛作聲者。無論痘未及見。就在放標透點時。血初定位。縱血虛之人。

血亦何自而虛。致齒失其養耶。明是毒火肆虐。不必  
參合形色內症。自是燎然。

附一治驗

一張氏之室。年十九歲。忽然壯熱如烙。喉間刺痛  
不能嚥津。咬牙不已。神情躁亂。次日卽見痘如針  
砂。色似胭脂。道中一望而去者不一矣。其症雖惡。  
以其尚在初朝。毒無定位。以大黃石膏各五錢。生  
地七錢。餘佐以荆芥地丁丹皮赤芍乾葛玄參牛  
旁木通甘桔。用蘆筭兩許煎湯代水。日投三劑。次  
日三朝頭面卽顆粒分明。前方更用桑蟲一大枚。  
五朝色轉肥紅。七朝放白。九朝漿勢沛然。咬牙方  
止熱猶火熾。僅咽稀粥碗許。猶苦難吞。十朝頭面  
一堆結。愁楚未舒。十二朝血收氣足。回膿結靨。發臭  
難近。飲食大進。諸症悉愈。首尾以一方成之。

申明發始弄舌

舌者。心之苗。心寧則舌寧。心擾則舌亂。心固象離屬  
火。雖若易動。然下交于腎。得坎水相濟而成。其爲火  
者。故爲君火。當寂無所觸。其何弗寧者。惟是邪陽烈

毒。衝突其經。以火濟火。二火相併。其苗自不能寧。痘瘡自內達表。非火不透。痘之順者。其熱溫和。客火不熾於心。何犯。即使險者。因逐毒而壯熱者有之。熱因逐毒而壯。猶爲發揚。發透之火於內。亦不擾。擾則險而逆矣。烈毒內炎。燔及少陰。非躁亂無聲。卽叫喊不已。非躁熱如烟。卽汗出如油。痘隱隱于肌肉之間。非紫艷或礬紅。症難悉舉。類多如此。弄舌其能免乎。是症燔熱者攻而涼解。隱伏者攻而散達。斯得之矣。

附一治驗

金友張兄一公郎。二週癸巳季冬。忽一晚身熱躁亂。咬牙弄舌。痘象迭呈。以清肌透毒湯。加大黃牛旁青皮。時值初寒。佐以炒黑麻黃羌活二劑。後梟毒騰湧。躁亂更甚。兩目徬徨。啼號乾嘔。筋抽脉惕。大便傾瀉如注。此熱毒內亂下注大腸。不容傳送。而故湧泄也。乘痘未見。勢難猖獗。毒未內攻。因勢而利導之。是攝萬象于兩儀。關竅在此。前方減羌活麻黃。加丹皮地丁木通三劑。後瀉卽止。諸症未降。以衝突之勢稍緩。不至奔騰下注耳。所謂大黃

能止瀉。信不誣也。見標數點于左額。細如針頭。當  
喉十餘點。犯鼠跡。咽喉關照前方。倍加大黃。暨佻參。  
每劑和猪尾膏。蓋許。大桑蟲一枚。日服二劑。次日  
三朝。天庭清楚。但是不鬆。地角細密。卽以胭脂膏  
貼之。右額不成點。身幸分珠。其間遊蠶珠殼者。不  
計其數。悉如前方。至五朝。弄舌止。右額方見點。口  
內脫皮。乳不能吮。食之于熟紅棗。不變而出。大便  
復去五六次。以全體惡毒湧發。火性奔騰。不暇分  
消。而故直出。是謂邪熱不殺穀。前方減葛根。加白  
芷。七朝。痘漸肥紅。八朝。右額及遊蠶珠殼。俱起脹。  
大便去黑垢甚多。如膠如漆。日進米糊二三碗。兩  
太陽未能起脹。以毒根未盡透也。日服大桑蟲四  
枚。猪尾膏。蓋許。前方減蟬蛻。加山甲。生地。十朝。通  
身漿足。次日。漸漸收結。大便復止。寢食俱安。聲音  
不亮。聞或咬牙。前方減山甲。大黃。及半。加金銀花  
甘菊。外以牛黃半分。日服兩次。十四朝。諸邪退。听。  
調理收功。是症始終。以攻毒疏透爲主。補拓收斂。  
毫不與焉。卽寒涼之味。亦不相及。以熱毒深藏。隱



伏也。痘本凶暴無倫。朝頭無甚風波。末路得無餘  
症。皆得早圖之力也歟。

申明兩頰通紅痘無一點

兩頰係一身痘瘡之主。氣血領載之會。先於此地透  
發。後及其餘。見氣得其暢。故領毒而先後不紊。得於  
此地分根。不連其色。見血得其和。故載毒而盤暈圓  
淨。若一片通紅。是血被火灼而旁溢。毒不受載矣。不  
見點粒。是氣被火蝕而週鬱。毒無所領矣。氣血俱爲  
陷害。僅以涼血升透成何濟耶。

附一治驗

蔡文清兄五歲一愛。忽一晚躁亂如涸轍之魚。旣  
卽昏憤。面如土色。兩目失輝。若立刻可斃者。以大  
黃羌活青皮紅花蟬蛻薑蠶炒黑麻黃荆芥穗木  
通山查連投二劑。次日神情稍醒。兩頰通紅。身上  
見痘數點。照前方減麻黃薑蠶加丹皮地丁赤芍。  
和豬尾膏半盞。三朝身體壯熱。人卽醒豁。兩頰隱  
隱見點。如針砂。頰下稠密。近于托腮。卽用胭脂膏  
封之。身間珠殼甚多。喜磊落成顆。但嫌乾紅少潤。

前方去羌活。加黃連生地。每劑和入一大桑蟲。四朝顴卽清楚。五朝色轉紅活。鼻塞眼封。七朝珠殼起頂。食薄粥一茶甌。大便日去三四次。九朝頭面堆結。身上漿滿。壯熱未和。腹痛異常。愁楚不能轉側。倍以大黃。臨服調入化毒丹二三匙。十二朝痛漸緩。漸得轉側。飲食大進。以忍冬解毒湯調治回好。

申明湧出如針

痘瘡形成于氣。毒受氣制者。出必漸次。雖密亦分珠圓綻。以毒輕鬆而氣得以拘領也。毒若雄猛。則氣不能領。一任毒之奔騰。所以湧出而不得漸次。氣更不能拘。一任毒之縱橫。所以細碎而不成顆粒。痘之蛇皮蠶殼。皆始于此。其痘斃在七朝。本無治法。惟於放點之初。見有攢簇不成顆粒者。速卽攻之。令洶湧之勢。大挫其鋒。遏鬱之氣。得伸其令。庶乎密者。可以轉稀疏。細者。可以轉磊落。此真稀痘之秘訣也。但當治之以早。是痘令一越宿。毒卽有定位。三日內攻已成。牢不可破矣。儘有一見點而攻不退者。必至蛇皮蠶

殼亡之其命也歟。

附一治驗

錢榮老一公郎。忽身熱如烙。次日痘卽一齊湧出。細若針頭。自頭至足。渾無隙地。色滯乾紅。時時乾嘔。徹夜無眠。以大黃爲君。佐以青皮。山查。荆芥。地丁。蟬蛻。赤芍。紅花。紫草。黃連。木通。臨服和猪尾膏一盞。連投三劑。第二日兩頰卽成顆粒。但界地未分。至三朝通身亦分珠磊落。第壯熱未和。乾嘔稍稀。前方加生地。五朝肥紅光澤。熱勢減半。前方去蟬蛻。黃連。加甘草。八朝放白成漿。稍思飲食。去紅花。紫草。猪尾膏。加連翹。九朝復壯。熱大渴。時或咬牙。仍加黃連。重以生地。石膏。十二朝諸症漸退。寢食漸安。方以忍冬解毒湯調治收功。約用猪尾血三碗餘。

申明黑陷歪斜

氣得其暢。包血成圓而鬆透。血得其和。附氣成暈而紅活。反此自平陷歪斜。乾紅滯色。甚則其黑硬矣。以見鼻毒縱橫。氣血瘀滯可知。散見且凶。况報痘乎。希

東坡先生詩集 卷五 三十一 惠廷堂  
與挽回。豈徒事升發之謂歟。

附一治驗

閔佺木兄。一公郎。報痘于脊。黑陷歪斜。按之板硬。餘痘隱躍于皮肉間。點粒甚細。色滯乾紅。躁亂不寐。體不甚熱。速將母痘挑破。以胭脂膏貼之。用必勝湯。減生地。服四劑後。報痘圈卽鬆白。盤卽紅潤。中心尚黑。餘痘透發成顆。未能光壯。照方用生地。減桃仁乾葛。加姜蚕。每劑和大桑蟲一枚。五六朝起綻如珠。主痘成漿如爛頭癩。神情未快。飲食未進。九朝漿足飽滿。寢食得半。十二朝收結。俱得霍然。方用解毒養榮。調理收功。

申明紫背浮萍

痘之色。血之色也。血和紅而能潤。血熱其紅若絳矣。熱劇則紫。紫黯則血瘀矣。至如紫背浮萍。較之紫黯不更甚乎。緣爲血被火灸。榮失其榮。致色乃爾。更受逼迫。血失其位。致見此癩。古人棄之不問。若在初見。其血瘀而未死。及時破滌。瘀毒得活。其癩漸淡漸退。儘有可活者。僅以活血之劑而希治之。必至就木而

已。

附一治驗

閔明生兄四歲一愛。痘頗稀疎。顆粒細結。俗呼爲石痘者是也。兩頰界地不清。周身乾紅。痲滯。至胸腹間。徧滿此症。眉愁腹痛。寢食不安。身不甚熱。以必勝湯。撤生地。加紫草。每劑和猪尾膏半盞。日服二劑。至五朝。痲色漸淡。兩頰漸清。前方減葛根。蟬蛻。用生地當歸。九朝其痲悉退。漿甚克滿。腹痛頓止。照方減桃仁紅花并猪尾膏。次日收結甚速。身體反熱。十一朝根盤復泛。兩頰疤內。累累重出。二痘。但神情爽朗。不爲禱杓。仍用大黃蟬蛻赤芍金銀花荆芥當歸牛旁地丁山查。服至十五朝。半漿半靨糊模收結。嗣以忍冬解毒湯全愈。

申明蚤痧

蚤痧者。有點不成顆。有粒無盤暈。似乎蚤疤。名爲蚤痧。點子雖同。但蚤疤鬆而散。此則歛而結。其色紫。其點細。較若紫背浮萍。其勢畧緩。亦以血爲毒。痧外見此痧。內痧不破。必然內潰。是亦不治之症也。

附一治驗

庚辰臧比玉兒。三歲一公郎。一晚徹夜躁亂。兩眼  
矇矓。次日發出一身蚤斑。按其體膚。頭溫足冷。神  
情昏憤。是毒伏藏于內。血受其殃。凝結成瘀。外呈  
此象。幸在發始。庶可破滌。此瘀一活。不惟毒透。并  
火亦鬆。以必勝湯。生地換煬尾。用大黃五錢。桃仁  
三錢。服過六劑。斑不見退。痘不見起。更佐猪尾膏  
盞許。并大桑蟲。和入劑內。以助之。服過十一二劑。  
斑漸淡漸退。而痘方見點。三朝即齊。痘可數紀。蚤  
斑悉退。無餘。神情終不開爽。乳食點滴不進。前方  
減葛根。蟬蛻。服至八朝。痘將收結。景况依然。大便  
日去十數次。如藥水。終是藥力未克。守前方服。及  
十二朝。痘痂悉褪。胃口只是不開。若謂胃氣受傷。  
何以痘能透發。以至落痂。若謂痂落無恙。豈有絕  
穀得生者乎。熟思其故。是症本惡。餘邪自未能淨。  
力主前方。直至十六朝。胃氣頓開。神情始快。大便  
卽止。以三歲小孩。大黃約用勦許。而得收功。以見  
有病病受如此。

附一治驗

庚辰臧比玉兒。三歲一公郎。一晚徹夜躁亂。兩眼

救偏瑣言 卷五 申明夾膠 學 惠迪堂

救偏瑣言卷五

長蘇

所以熱痛委然以至驚風昏滯... 十二傳氣神悉與胃口只是不開... 日去十幾天收藥水... 為喜財難難至人傳...

